

抱玄遠俗不戀榮華恬然滋味無加一片閑心物外別有生涯  
無爲自然清靜結些兒密妙堪誇丹田內便拍塞塞地白雪黃  
芽 內有真陽鍛鍊把元初根蒂復變靈砂得見通明真性似  
玉無瑕功夫十分圓備訪蓬瀛步步煙霞空虛裏有金童玉女  
迎入仙家

贈姚玄玉

道家活計坦蕩簑衣住行坐卧相宜悟徹清貧快樂絕盡狐疑  
生涯逍遙自在水雲遊海角天涯無繫絆縱閑閑來往有甚歸  
依 把握玄中妙趣除心病修鍊有似良醫誰信男兒有孕不  
可思議氣結神凝命佳產胎仙超越九疑恁時節顯朝元歸去  
道藏輯要

丹陽神光燦

畫

胃集七

容儀

贈嚴公

昨宵夢裏幸遇重陽授予秘密仙方杳杳冥冥恍惚太白其黃  
便是刀圭顏色往來流飲似瓊漿成彈丸服之一粒八脈安康  
攜執增添剛刃生光彩輝輝晃耀明堂說得邪魔鬼魅遠遠  
潛藏自然化生兒現跨青鸞得赴蓬莊這玄妙示同流各要消  
詳

寄鄂縣晏公及道眾

山侗馬銚閑吟閑咏不是誇強逞俊謂見人居火院受苦不忍  
時時詩詞勸化啓丹誠闡開玄徑常哭告望人人迴首箇箇聽